

SHAÖNSHK GISH PAUL GA APOSTLE

GISH GA

GALATIANS GA.

CHAPTER I.

1 Paul ga, apostle ga (althga giadilth wilw atk gut, za ligi giadilth gunwält, yagait Jesus Christ ga gunwält ga, dilth Shimoigiat ga Lakäga, Nagwät ga, gü nä t'in gik giniantk ga wätk ga dida shpagait düidit),

2 Ada tkäni waikia hakhokshk ga didä goi, ä Churches ä da Galatia :

3 Am dä gwashim dilth gungia-ksha wätk gut gish ga Shimoigiat ga Lakäga Nagwät ga dilth Miyänum gut Jesus Christ ga,

4 Gü nha lip geluksh ginamtk gut ga ä na hadadakum gunwält ga, dumt wila dilamautkgum da hadagum giaön hokshk ga di, niwälda na shagaudk gish ga Shimoigatkgum ga dilth Nagwädum ga :

5 Gü ga dum gup lthäwila n'lthamshk gaga. Amen.

6 Lüshanälthkgü wil ma shim dilth zinsh yilyeltk gish niadit gü nat in hahükhütk ga shimt ash ga na amagaudsh Christ ga, ada ma shim habä lukshgiadum äm da malshk :

7 Gü althga gik güel dalth äm dalth malshk : ada gup am wan nagazäou da giadit, gü t'in lüshawanwantk ga gagaud shimt, gü nin hashaga dida

dumt 'in düladiyā dash ga Am da Malshk gish Christ ga.

8 Ada zöt nügum gin, ligi angel za wätk ga dash ga lakäga, za malshk ga dä gwashim alth gik ligi äm dalth malshk za al lukshgiat da nha malthdum dä gwashim, äm dum shamaksha dit.

9 Niwälda n'ltha houmt, nini gik houyüt giaön, Ami ligit nä t'in malthilth ligi gik äm dalth malshk ä gwashim za lukshgiada da ltha al gä da shimt, äm dum shamaksha dit.

10 Awil alth giadi gü za amokshini giaön ligi Shimoigiat ga Lakäga ? ligi alth giadi gwilth shigilth shalth-gwishgü di ? amiza giada za sha shalthgwishgü, althga dum di tkul-wäulimlthk gish Christ ä goi.

11 Awil na wilaiyin didä gwashim waikia, ä wila wäl äm da malshk ga nha shagou malth-dü dä gwashim althga wäum giadit.

12 Awil althga nan dawätk ga dalth giat, n'za ligi shuwilaigiamukshi-yit, yagai nha goiduksha dä goi ä na wil älüdä antk gish Jesus Christit.

13 Awil na ma shim lthä naknö na wila lthä didölsü da ashä hokshk gü da wilalau Jewsit, gü nan wila gul-wilekshum lüshuwilin na Churchk